

松

風

閣

詩

鈔

松風閣詩鈔

長洲彭蘊章

詠

卷二十一 借園集 古今體詩六十首

丁巳正月五日

聖駕幸圓明園隨扈至 出入賢良門侍班恭紀

瑞雪初晴淑景回喜隨

天仗御園來銅街曉日明猶冷玉竦春冰鑿未開鼓吹
聲和諧暖律旌旗風動拂寒梅

賢良門外鵷班肅退食剛聞午漏催

重至借園追懷座師文文端公

一載結比鄰重來又是春未堪多難日更失老成人渺
矣追先哲艱哉步後塵墓廬知不遠欲薦澗中蘋

春帖子詞

玉琯初諧角珠杓乍指寅九衢聞擊壤萬戶帖宜春

黃開十莢轉韶光吉亥逢辰迓吉祥

初十日立春計日
其日癸亥

靈壇勤

法駕和風甘雨卜年康

十八日
祈穀

乘春施惠布

綸旨

正月初二初四日直隸山東
山西三省蒙恩普錫春祺

海宇羣知

保赤心江漢旬宣歸召虎

時武漢各
郡初復

荆揚從此貢南金

十二日

上御正大光明殿 賜宴外藩并在廷文武大臣禮成
恭紀

韶光萬里新宴集

御園辰土鼓中天樂毛車海國臣欣瞻王會盛莊聽雅
歌陳凱飲論功日登臺人共春

喜雪

入春三日春未深飄來白雪明園林去年

虔禱得微雪今慰

聖主憂民心遺蝗入地無害稼土脈滋潤同甘霖誰言

此雪不爲瑞還能澤物消灾稷鎬京宴罷理歸棹

是日賜

宴同

樂園方珪圓璧水之潯天公玉戲興未已來朝試眺高

山岑

十四日

宣宗成皇帝忌辰隨

駕叩謁

安佑宮感懷恭紀

侍從年年謁

闕宮

每年

聖駕在城隨謁

安佑宮

孝思永慕仰

宸衷

橋山弓劍千秋後海宇干戈七載中世運屯亨知有數
神靈眷佑願無窮何時斥堠狼煙淨耕鑿依然萬里同

恭和

御製去歲未見雪澤茲節逾立春欣敷時玉預兆登豐
然不敢自寬尙冀春雨繼霑以益二麥聊成是什識
之元韻

吹到東風灑玉霙

上林喜見砌鋪瓊鎬京宴裏

恩方渥

是日蒙賜宴同樂園

恩

蓬島春來氣倍清隔歲遺蝗應入

地及時好鳥喚催耕

祈年虔舉

升中典

昊貺欽承頌

至誠

十八日
祈穀

二十日

上御正大光明殿 賜宴廷臣禮成恭紀

春來三度宴笙簧

湛露恩濃效拜颺歌舞

昇平格干羽從容

殿陛集冠裳六卿次第叨珍膳

十賚駢蕃出

上方只恐捫心慙報禮

天厨飽飫益傍徨

園居卽事有感

似聞暇豫唱吾吾烏鳥猶知歎集枯楮幣共珍銅鐵磨
山藟欲盡癸庚呼賑飢人擬魚兒泊退食車回蠋子湖
園中地名百物由來貴平準休嗔笑士有樵夫

時余請發帑金買米平糶

仲春上丁奉

命致祭

先師孔子禮成敬賦二首

一脈原從敷教來千秋絕業杏壇開上承堯舜危微學
下啟漢唐博雅才德本中庸非立異心存忠恕道能該
後儒說理都微妙墮入空虛亦可哀

曳杖逍遙發浩歌山頽木壞奈如何兩楹夢是千秋兆
六籍功垂萬禩多陳蔡諸賢皆列坐孟韓以下亦旁羅
馨香直與天無極默佑生民劫運過

春郊晚眺

紫陌風和草未薰燕山節候入春分栖鴉老樹消霜色
浮鴨清波縐縠紋村外輕煙遮客路城頭暮鼓送斜曛

農家望雨情方切向晚天邊起白雲

恭和

御製文昌廟禮成有作元韻

仙蹤縹緲梓潼尋玉局千秋德是歆祀典初升牲醴盛
廟庭新葺檻廊深戴筐六宿文光炳司籍三霄雅化欽
陰隲下民恒性復

綏猷默佑

聖人心

曝值 清漪園

召對玉瀾堂西暖閣和趙蓉舫尙書元韻

光

離宮西舍敞軒楹浩渺鷗波一鏡明共侍

宸遊來勝地始知人世有仙瀛峰頭塔勢穿雲峻湖上
煙光帶雪清靈沼躍魚冰乍泮欣從紫陌看春耕

附錄元唱

玉瀾堂畔敞雕楹仙界琉璃照眼明峰影半空橫寶
剎湖光一片接蓬瀛不才敢擬依溫室此地真疑到
上清更喜夜來春雪透

皇情欣慰問農耕

二月二十日奉

命充上書房總師傅恭紀

三天捧袂有光輝

禁籞春深紫翠圍貴到桐封猶學古拈來花管盡新機

甘盤老去曾相識

謂杜文正公

召喚遲留未遽歸

祁春圃

自

昔師儒推重望不才承乏愧名微

錢萍江宗丞

寶青

惠盆蘭賦謝

園林春色辟輕寒瓷盎移栽九畹蘭話到同心無俗態

拈來妙手有餘歡靈芝共擢空山秀修竹曾隨古畫看

君家蘂石先生善畫

冊不比天桃與穠李慣塗粉頰倚闌

干

曉行口占三首

月落山頭影入湖湖山雙照兩明珠
鳶飛魚躍清光裏
天水中間辨有無

雪後東風吹白蘋
洒將春雨滿芳津
愁中不覺韶光媚
一樹桃花紅照人

以盆蘭分贈柏靜濤協揆有詩見貽和答二首

花瓷分贈挹幽香
豈似梅枝遠寄將
好比素心人共詒
清芬滿室興方長

退朝靜對一鑪香
攜得幽花偶送將
喜與惠風同入坐
時逾修禊覺春長

附錄元唱

珍重三春王者香
花瓷供養惠遙將
年來領略名言
久臭味如斯意趣長

恭和

御製皇長子周歲之喜有作元韻

瓜縣開雅什岐疑歲初周一索徵

延慶千祥並迓

庠裕昆基燕翼逢吉肇鴻疇

喜與春光共廣颺樂事酬

贈江鹿門表姪

浩

嘉慶丁巳春余始識之無塾師爲舅氏殷勤破其愚迄

今周甲子舅早歸黃壚歲月駒過隙余亦成白鬚世事
如浮雲感此增長吁非歎老將至王路嗟艱虞更嗟去
鄉久常使骨肉疏猶幸舅氏孫翩然謁吾廬不憚山川
遠懷抱向我攄青氈本世業白眼嗔其迂有兄謀祿仕
不薄升斗糈諒因供菽水豈願拋詩書汝今且毋躁研
經安布蔬譬彼力田者終歲勤犁鋤斯飢望豐稔庚癸
非終呼又如行萬里遑恤我僕痡太行雖云險豈肯返
半途執業尙如此重遠况吾儒箴言起汝懦庶無憂德
孤吾衰猶願見鸞鶴翔雲衢

送江弢叔表姪之官浙江

閩嶠歸來道氣存彈冠貢禹漫同論湖山早入詩人夢
烽火曾驚旅客魂賸有綈袍憐范叔

謂汪少安大令

休將布被

笑公孫金臺後會知何日且盡花前酒一尊

別借園

園林欲別增惆悵不忘年來師弟情緣野何能春久住
朱門每見主頻更藤因緣樹高無際藥爲移根掬不盈
賸有一雙仙蝶在闌珊花事夢難成

新居偶成四首

扇子湖邊我舊居曉風殘月十年餘今來重傍七峰墅
湖上春光倦眼舒

藕花風裏納涼時折得蓮房有酒卮舊侶天涯鴻信斷

年來蕭瑟幾人知

謂朱愼庵梁海樓陳堯農諸君

埽徑還憐破綠苔鼠姑花對小軒開故園仙蝶飛難到
好聽呢喃燕子來

簇簇人家水一灣魚蝦小市傍柴關卜居未避塵囂境
還喜門開見遠山

文文端公將葬先期謁殯於墓堂

數里墓堂近無緣執紼親蒼茫千古事強健隔年人落
日鷗鷺下春風松檜新眼看封馬鬣歸路黯傷神

蛙聲

鶯啼茂樹上林春燕語朱門畫棟新獨有亂蛙無世態
終宵鼓吹伴閒人

蛛網

謂爾無知卻有知簷前密網結千絲蜻蜓蝴蝶秋來盡
枵腹張羅能幾時

喜鳳竹塘通守觀宸至京

彈指十年間重逢鬢乍斑只憂虛歲月未肯戀湖山肯

自潞河別

甲辰年事

今遊岱嶽還

君前任兗州通守

烽煙猶未息何

以濟時艱

吳清如員外有詩寄懷奉和元韻

鳳閣巢痕縈舊夢

君由舍人入直樞廷

雞陂故宅稱幽栖名山挈

榭花間酒古寺籠紗壁上題人望於今推老輩鄉心何

日慰餘黎

時吳下旱荒

聞君白髮情猶壯曷不春明趁馬蹄

五月二十四日曝值

清漪園由藕香榭泛舟入靈鼉偃月橋至鑑遠堂

召對恭紀

靈鼉十丈跨清波放艇中流意若何照檻湖光明似鏡

當窗雲影織如羅天機活處鱗依藻山色深時髻擁螺

漫擬吳江橫寶帶

吳門有寶帶橋七十二孔

斜風細雨片帆過

題張詠仙大令

肇辰

萬松雲海圖時詠仙歿已四

年矣

黃童江夏早知名

君早歲卽著文名

獻策蹉跎換瘴鷗小邑絃

歌初試手幽居林壑未忘情山中杜若空留客天上芙蓉別有城雲海茫茫仙躅杳何年月下聽吹笙

聞顧杏樓歿於粵西詩以哭之

老去常吟哭友詩秋帆圖憶送君時

君出守潯州余作揚子秋帆圖送行

青衿共喜題名早

君與余同日遊庠

烏榜同遊對策遲

應春官試三次

舟桂嶺分符疎法網

在潯以疎脫巨憖落職

芷江歸櫬望靈旗烽

煙滿目愁行路何日家山奠酒卮

閏五月十九日

召見對鷗舫畢

命詣萬壽山五百羅漢堂拈香恭紀

岩洞香舍古鼎煙木山崩劣兩行連

洞中屈曲祇通一徑兩旁山石皆用

木雕五百羅漢像或坐或立皆倚山傍石有生動之形

一鐙引處方知路九曲穿

餘不見天邱壑倪迂吳下策

紆同高下咫尺而有無盡之勢有似倪高士獅子林

莊嚴道子普門傳恍從祇樹園中到共向文殊證四禪

輿夫有自課其子誦論孟者感而有作

莫笑輿臺賤詩書解破愚傲他蕭氏僕勝彼霍家奴芝

草原無種飛蓬賴有扶傳經徒屬望式穀愧吾徒

訪壽陽相國不遇越日蒙見貽一詩次韻奉答

繫馬還憐破綠苔鑑湖深處少風埃
娑娑愛訪高僧去
襪藏空勞俗客來
幾度徵詩囊欲滿
者番掃葉徑遲開
梅檀香裏青松下
日暮應隨獨鶴回

附錄元唱

沈沈伏雨長青苔深巷無人遠
市埃松下個尋雙鶴

去門前偏引八騶來
傳家珠玉容先覩

公以先澤詩翰示觀屬爲

題記掃徑蓬茅惜未開
日暮蒼茫成獨立
西山目送片

雲回

翁二銘協揆屬題尊甫贈光祿公石室傳經圖公

諱咸封仕海州學正有政績歿祀名宦祠

五世荀陳誼重聯師弟情

康熙丙辰先五世祖侍講公

大司寇公第三子及第乾隆癸卯

贈光祿公與先伯

父侍御公鄉舉同年今咸豐丙辰文孫同龢第一人及

第余適典

春官試傳經瞻道貌積善協公評俎豆匡時報絃歌

雅化成牙旗滄海畔父老頌賢聲

文孫藥房詹事督兵

有白髮門生

戚公遺愛者

七月十二日奉

命詣 圓明園後湖文昌閣拈香恭紀

文治昭寰宇馨香格杳冥地臨蓬島近驂白玉霄停陰

隲垂千禩司中炳六星液池容泛棹齋肅謁

神靈

送張石琴

亮基

督師滇南

秋光滿目送君行世路崎嶇削不平萬里蠻煙回紇馬
半天甘雨蜀川兵

吳仲雲制府帶兵先由蜀入滇

軍中借箸陳新策塞

下吹笳憶舊聲我有寶刀堪贈別一揮南詔爲澄清

題潘伯寅學士

祖蔭

獨立圖

謝氏庭前玉樹姿瓊林早占最高枝

賜遊蓬島歸舟

晚獨立澄懷更詠詩

同邑王孝廉

詠春

示先世明相國文恪公詩文集

敬題一律

文章冠冕推成化相業艱難正德年三載綸扉何勇退

一時朝政屬中涓故鄉先哲尊商耆世閱清聲啟後賢
七十二峰鍾秀處紅塵遙望縹雲煙

九月十九日靜濤協揆招同人為展重陽之會

羽書方絡繹文讌久無期喜聽莎車捷

時英吉沙爾捷音甫至聊

持菊醞宜江湖還入夢風雨更催詩老圃秋光好惟應

隱士知

附錄和作

柏 菴 靜濤

辰良情少適遊讌愜心期園小五星聚

同席五人

樓高九

日宜縱談聯舊侶小步得新詩試作濠梁想觀魚知

未知

園中疊盆菊爲山虞孫喜而賦詩因用其韻

黃花高節出塵寰
好擬淮南築小山
月影紛披斜黛髻
霜華隱約護煙鬟
嶙峋傲骨風煙外
絢爛秋光几席間
絕頂有誰堪躡足
只宜仙蝶偶登攀

麟梅谷尙書招集似園玩菊卽用展重陽韻

相遇龍山會
殷勤訂後期
籬花秋色晚
霜徑午晴宜
蒿目監門畫
時方賑飢賞心彭澤詩
解憂共尊酒
此意少人知

虞孫踏雪來園玩菊夜飲有作

踏雪來看菊
童年意氣豪
陌頭霑露霰
席上醉蒲萄
酒令依金谷
詩情託素毫
明朝驅馬去
又使我心勞

虞孫和余作詩筆尚清然文藝末也詩以勛之

德行爲先文藝後少年所貴淑其身詞章雖好終餘事

論孟書中領悟新

余嘗謂論孟中得一二語守之勿失處可爲修士出可爲良臣非虛語也

千秋景仰前賢事自命當爲何等人文繡膏梁奚足羨

躬行心得學求醇

孟子飽乎仁義所以不願膏梁令聞廣譽所以不願文繡學者可不知之

十月上浣同人集杜繼園少司空浣花吟館梅谷

卽席賦詩次韻奉答

兩三吟客至尊酒慰心期殘菊經霜久孤松伴鶴宜籬
邊新闢徑壁上舊題詩欲問花溪事惟應工部知

讀明史作

駢旋漫學封同姓，鼂錯千秋亦可哀。豈有儒生能誤國，祇因未讀漢書來。

奪門復辟前朝事，雨帝童謠起古愁。冤獄若無于少保，那知奸檣有深謀。

十月之望靜濤協揆清軒少宰招集香海書堂瑞雪初晴欣然有作

再展重陽秋序過，西風斜日下蠻坡。小園地僻行蹤少，快雪時晴佳想多。花徑懸鐙開夜宴，蓬門彈鋏聽悲歌。萬錢莫向何曾傲，蒿目空倉雀滿羅。

附錄和作

柏梭靜濤

吏部高風載酒過雪堂步月仿東坡撤來蓮炬歸途

晚吟到梅花麗句多

梅谷尚書先有詩

半日偷閒留客話萬

方送喜盼饒歌卿曹記取紅旌報

樞廷直房紅旌報捷四字御筆也

一醉同傾金叵羅

雪中詠漁樵耕讀四首

門外青峰半有無形雲一色望模糊溪邊蓑笠尋漁子
欲繪寒江獨釣圖

千岩洗盡滿林丹樵斧聲中落木寒擔得涇薪何處去
蓬蒿徑裏訪袁安

秋稼登場種麥齊昏鴉陣陣暮雲低柴門一閉行蹤斷

雨玉無聲白滿畦

高卧空山雪滿庭
紙窗竹屋一燈青
來朝掃徑安茶竈
留客閒評陸羽經

沈揀泉

際清

示平原道中見懷之作和韻

曾結燕臺翰墨緣
別來鴻信寄拳拳
青門紆綬拋書簞
君以司馬分發陝西白下鑒兵廢硯田
客路風霜交落落
歌聲金

石聽淵淵孤山舊識通仙面
此去梅花正放妍

帖瞻方伯本君

舊交今在關中

鎮江克復喜示宗山

宗山家丹徒

五載烽煙鐵甕城
一朝狐鼠穴全傾
銷磨壯士人同慨

剗削荒墟路漸平我喜蘇臺通鯉信君尋漁屋訂鷗盟
相期放棹金焦畔卧聽江潮午夜聲

潘星齋有題松風閣詩四絕寄示次韻奉懷

尊鱸未許戀吳羹厭聽江頭鼓角聲老去朋儕寥落甚
西窗誰共話平生

乘興紫禁日曛曨鳳沼輕舟趁曉風欣比卷阿賡雅
什長依香案五雲中

君詩萬丈赤城霞玉字金書蔚國華我本山林猿鶴
侶暮年始詠上林花

江干近日捷音多將帥同心克在和燕子磯頭春水濶

好移尖榜聽鐃歌

歲暮懷人

萬里傳聞事愈奇
嶺南劇郡變爲夷
戴逵求死應同憾
蘇武還鄉未有期
總爲求仙成誤國
半因輕敵致勞師
方壺員嶠尋無路
浮海張騫去不疑

松風閣詩鈔

長洲 彭蘊章詠莪

卷之二十二 苑湖集

古今體詩五十首

戊午

恭和

御製上元越二日幸園作元韻

御園

法駕喜時乘湖上春水泮幾層膏壤千塍明錯繡晴雲
五色曳輕綰偶逢游豫

心無逸惟

敕幾康福永膺鼓吹聲中

天仗肅

撫辰茂對續其疑

奉

敕敬題

御繪瓶蓮七律一首

白描高格勝雙鉤玉潔花應君子儔宛爾淩波超百卉

依然挹露閱三秋

畫係丙辰年御筆

心常似水涵濡久口欲如

瓶

訓戒留

朵殿揮毫神澹遠清芬都向卷中收

王二波騎尉

嘉福

書來并示見懷之作知連年避

地儀徵鄉居蓋不通音問者已三十餘年矣詩

以奉答

文章名士集忠藎世臣家舊夢蒐軍實新詞紀歲華金
山茲可眺銀海早生花

君以目疾
解職閒居

相望燕吳隔離愁寄

暮鴉

淵雅堂中事依然在目前楞伽嗟宿草京國感衰年避
地干戈際懷人冰雪天尺書珍拱璧况復誦瑤篇

庭中丁香開罷牡丹欲放獨坐沈吟適得宋于庭

翔鳳

書寄懷一首

花開花落莫春初
斜日閒庭草不除
時事關心頻對客
春光滿目渺愁予
江干未返嘶風馬
海上還驚跋浪魚
此地紅塵連十丈
寂寥應羨子雲居

謁壽陽相國於城南勤學齋卽事書懷奉柬

萬里烽烟半九州
春光滿眼使人愁
豺狼不盡搜山谷
蛟鱷無端起海陬
兵法誰從黃石授
閒蹤早伴赤松遊
匡時自問操何術
帷幄能分

宵旰憂

附錄和作

祁駕藻

無邊春色滿
皇州一片飛花動
客愁正是風烟馳

海徵猶勞冠蓋過城陬纏綿更寫新詩贈感慨難忘
舊日遊彈指經年重把臂却瞻貌瘦識心憂

喜吳紅生觀察

葆晉

到京書贈一首

揚子江頭寄尺書

道光己酉冬余歸自閩南君時爲揚州太守遣使至京江相近余有詩奉

寄不覺已十年矣

蕪城今感劫灰餘故鄉烽火身難隱

君家固始被兵

遂攜家至淮安舊治遙地

舊地清淮迹更疏分手十年懷遠道掀髯

一笑叩吾廬城南雅集當時事回首歡蹤春夢如

朱契蓮表叔寄詩見懷奉答一首

燕吳迢遞歎蒼沈搔首同驚白髮侵王謝門才羣從盛
荀陳交誼百年深枯槁一局樽常滿花管三春句共尋

水原集卷之二十二
猶憶春明揮手處開緘如見故人心

感懷三首

畿輔去年旱斗穀糜千錢

帝念民生困賑災

德意宣冬雪雖霑足春耕雨尙偏哀鴻鳴中澤安集亦
大難四方轉軍餽不給心憂煎何能灑甘霖流潤滿山

川

時有旨
展賑一月

草野起亂民江山思竊據六朝錦繡鄉荆榛滿行路欲
憑天塹險扼吭以自固城市括民財洲渚列屯戍縱火
焚村落千里騰烟霧猶未困烏江還欲爭官渡赤子歎

此離溝壑填無數比聞韓擒虎雄軍秣陵駐檻獸終膏
斧負隅豈如故厭亂在天心人力焉能與

閩山雄萬疊嚴灘下千尋憶此舊游地夢想勞我心武
夷九曲處近日干戈侵考亭絃歌盛戎馬馳騁旁趨
仙霞嶺欲逼桐江潯援軍幸紛集羽書來好音緬懷富
春渚烟波深復深

春暮園居書懷八首

丁香開罷碧桃殘小院春陰釀暮寒只有鼠姑還未放
伴人含笑倚闌干

似虎春風鎮日狂陰霾東嶺隱朝陽盼來亭午天開霽

未覺銅壺刻漏長

曹騰一睡夕陽低坐起攤書目尙迷真率齋中來客少
閒窗試茗暮鴉啼

驛路紛馳過羽書攬人清夢五更餘山顛海角風烟滿
留住春光一畝居

西湖柳色弄春晴三月鶯花動客情忽聽桐江傳警報
錢塘一夜怒潮生

津沽天險繞江沙阻截樓船水一涯明到然犀蛟鱷怕
何勞井底咒羣蛙

燕子磯邊我舊遊江干明月照清秋笙歌叢裏烽烟暗

南北青山惹客愁

金隄千里斷殘虹
輓粟舟來渤海東
安得賈生籌上策
江湖依舊一航通

喜雨

龍鱗未灑清明雨
愁聽禽言喚麥枯
却喜長羸霑渥澤
新苗抽綠慰農夫

輕雷隱隱雨冥冥
曉霧籠山午放晴
猶是當年好風景
時聞深巷賣花聲

四月十六日雷雨交作偶成二首

奔霆將何擊
當擊巨憝人
烝民罹荼毒
海宇何紛紜
吳

楚連徐豫比及浙水濱勞師已八載戰馬遲歸羣東南
數千里極目起烟塵羽書馳旦暮宵旰勞

至尊人力嗟難及悠悠籲蒼天請奮豐隆椎擊此釜底
魂未堪禦外侮先自清中原

甘雨將何潤潤此欲槁苗三春稀渥澤炎夏滋土膏雖
遲猶補救喜聽聲瀟瀟近畿差霑足息此哀鴻磬自從
江路阻滇銅挽輪遙園法乃一變大錢周制嘲奸民爭
趨利真偽益亂淆千錢易斗米老羸溝壑拋或攜小兒
女輕生赴長濠蒿目嗟無術惻隱爲徒勞一雨天心轉
生意滿蓬茅

有隕自天視之則生魚也乃畜之池

生魚隕自天好比三鱸異潑潑不爲妖洋洋終得地涸
鮒還清波濠濮觀生意所悲鱗尾勞漁人復投餌

懷燕山松岑二星使天津

退兵且解目前憂後患紛紛遍海陬未必我躬能不閱
其如嘗寇盡無謀弦高犒敵歸秦帥子柳爲臣弱魯侯
此際難將功罪定知人論世屬千秋

扇子湖觀荷二首

湖西未栽花湖東香出水一雨花氣銷零落已如此
我家荷花蕩近在葑門外何時泛笭箬重訪釣游地

題汪芾村甥 朝業 疏影廬圖

橫斜梅影月明中 彷彿孤山有夢通

芾村自杭至京

憶我探幽

香雪海泛舟雨崦雨濛濛

丁丑春與仲弟由支硎泛舟雨中渡太湖至香雪海遊枇杷林下至石樓石壁

覽金湖之勝而歸

王少鶴農部歸自通州軍營書以贈之

鯨魚跋浪析津來 藩邸畿東幕府開

科爾沁親王僧堅駐兵八里橋

壁軍容嚴細柳 惱人天氣正黃梅 據鞍草檄攄文藻 捫

蝨談兵笑霸才 重聽鳳池搖玉佩 烽烟從此遠金臺

舍人黃 祖纓 美才也驟病而逝詩以哀之

簪筆從容鳳閣遊 鹿鳴鼓篋幾春秋 清才便擬登芸館

噩夢何期赴玉樓一霎沈疴歸大暮百年壯志付浮漚
嘔心長爪生涯促白髮西河淚未收

癸丑春賊陷金陵上元令劉公同縷死之毓棠姪

藏其手書扇瀟灑有晉人風格固知忠義之士
其翰墨亦不凡也因題二絕

江干輦鼓陣雲昏守土從容大義存五載鍾山埋戰骨
遺黎何處弔忠魂

題扇書猶慕二王錄山谷評義獻書後蝨魚不食漫焚香墨痕欲

化萋宏血灑徧南朝石子岡

八月朔日

上御經筵

命臣蘊章致祭

傳心殿禮成恭紀

伏羲畫卦開文字聖學尼山集大成道統千秋惟主一

皇猷百代在存誠

論題凡爲天下國家有九經所以行之者一也辦香虔奉馨

嘉德經義敷陳協頌聲祕閣巍巍臣職掌

文淵閣
賜茶

賜茶予宴荷

恩榮

中秋偶感示祖賢

最好生涯是冷官俸錢猶足辦朝餐尋芳不負花三徑

酣睡何妨日半竿羅雀門前軒蓋少啼鳥城畔夢魂安
閒來還得親文史付與兒曹仔細看
入世逃名亦大難千人所指是高官祇慚索米嘲方朔
詎慕敲棋起謝安送客槐花深院靜留人桂樹小山寒
風烟萬里愁無盡醉把陰符秉燭看

恭和

御製迎秋夜更長得長字五言八韻元韻

旅望江干客孤蹤滯水鄉蓬窗秋乍到蕙帳夜偏長潮
上生涼意天空皎月光挑燈懷舊雨拂簷壓清霜鄰笛
驚飛鵲漁歌和斷續荻花聲瑟瑟蘭渚影茫茫夢惹湖

蕓興情縈雪稻嘗淒迷湓浦遠索句更方祥

盆桂

丹桂何年種移來一院香根疑栽月窟花欲滿風廊不
惜拋金粟還宜上玉堂先他籬畔菊點綴好秋光

晚望

閒遊行過釣魚磯落日炊烟傍翠微陣陣寒鴉催暮色
兒童放學抱書歸

王蓮絮

仲秋之月彗見西北閱三十六日而沒以天文
家言攷之蓋名王蓮絮云

彗星之別王蓬絮如棉裹楮其行遽昏見乾方指天樞
迨轉良維天欲曙旄頭北向微下垂掃遍斗垣七星度
彗兮來告何災祥主火主兵主憂懼中原兵革擾頻年
四夷交訌勞邊戍哀哉黔黎亂靡定天心未厭知何故
昔聞羿射九日落妖星今在最低處我欲彎弓向天射
坐看青霄豁雲霧

喜元脩中丞至京書贈一首

盤錯身來戎馬地還朝虎拜威

君恩

到日

召

三軍黍菽紆籌策

院軍每因乏餉未能用命

千里河

渠細討論

君嘗議黃河改道由山東大清河入海

賴有仁心埋戰骨

余嘗勸君

收埋戰骨君如
余言瘞者數千
幸無惡夢撼驚魂歸途忽聽傳書急管
錦何人掌北門
君行後數日
廬郡復陷

愁來

愁來不識乾坤大老去何須富貴求但爲人間弭後患
百年身世本浮漚

去年九月疊盆菊爲山挈子孫讌飲爲樂雖類弱
人之笑猶能勉強成歡今則內患外憂紛然交
集撫時感事杯勺難勝對此秋花係之慨歎

秋花猶似去年開寂寞籬間酒一杯海上鯨牙誰可拔
古來駟舌豈能回南天白羽還揮扇北地黃金更築臺

極目中原烽火急安危何處出羣才

喜同年丁竹溪

守存

至京奉贈

樞院揮毫摹典誥榕江草檄擁旌旗雷沈海底曾籌策
水躍瓶中爲好奇村落千家驚寇至纓鉏萬柄聽君麾
功成長揖歸田里不是封侯亦數奇

九月二十一日倬值

清漪園由藕香榭泛舟入

靈囂偃月橋

召對鑑遠堂恭紀

大好湖山別一年秋光滿目菊花前
黿梁跨水迎朝旭雁陣驚寒度曉烟
詩思半從忙裏減軍情每向暗中傳

珠崖罷擊氛還惡羽檄頻催心惘然

四莫歌

莫畏難莫取巧莫憂貧莫歎老畏難事不成古來豪傑
同垂名取巧心還拙一生所得不償失原憲貧非病捉
襟肘見賢希聖廉頗老更强據鞍顧盼登戰場吾生不
取巧却有畏難情吾生不憂貧至老乃自驚矻愚訂頑
敢自棄還須熟讀東西銘驚馬不辭九折坂力小任重
憂難勝冀羣自有千里足太行巉巖其可登

送鄭生

守廉

回閩省親

閩山萬疊陣雲橫送汝還鄉千里情奉表蜀都推孝行

省其祖
慈於家

通經夾漈重儒生江天日薄秋無色石瀨潮來

夜有聲盼到梅花春意動囊書匣劍又長征

約明春
重來

十月望日虞孫達孫來園玩菊偶成一首

爲訪東籬菊欣然並轡來南山如舊識老圃看新栽瘦
影移花徑秋心入酒杯園林多好景竟夕共徘徊

偶作九九消寒圖拈春風亭柳送客重迴首九字

取其皆九竇以示宗山翌日宗山畫圖以贈因

題一絕仍取九畫字成句

飛英洒庭砌迓客看持盃風信春前急茅亭首重迴

患難思年改二首

忠難思年改烽烟滿目愁銷兵歸戰馬春色動神洲
忠難思年改樓船集島夷誰攄柔遠策慕義越裳來

松風閣詩鈔

長洲 彭蘊章詠我

卷之二十三 苑湖集

古今體詩四十八首

己未

正月二十日

上御澄虛榭之南書房

賜王大臣等飯並名

賜

御書匡弼和衷扁一方恭紀一首

御園嘉宴趁芳辰斜日軒窗傍水濱清酒百壺

恩誼渥

璇題四字訓詞新歌成行葦敦磐石受到彤弓指析津
僧郎將赴湛露分霑樞密近鳳池歸去捧

絲綸

麟梅谷大宗伯招集似園賦贈一首

宗伯園林憶舊蹤幾番餐菊對西風
丁巳秋偕柏靜濤相國更番把酒為

展重陽之會窖中花木留春住屋裏江天縮地工掃徑生憐

庭草碧登樓遠眺夕陽紅南冠人去無消息賸有靈犀

一點通
時靜濤在獄中

散值口占三首

趨朝待漏夜披衣退直青山銜落暉驛路軍書催不斷

揮毫人共暮鴉歸

銅街爆竹送新聲
玉蝀橋邊霽色澄
九十韶光還未半
南湖流水北湖冰

吹到東風節物妍
湖隄柳色半含烟
眼中誰是無雙士
日暮青天響紙鸞

海上

海上風烟惹客愁
艤艫萬里一沙鷗
仲連却敵誰遺矢
魏絳和戎漫借籌
跋浪長鯨來渤海
嘶風驛馬度山陬
停兵抗疏情何急
射虎將軍恐不侯

三月初四日回園寓偶成三首

水庫詩金 卷之二十三 二
今年寒意勝常年幾日東風作勢顛驚蟄已過冰乍泮
波聲猶澀玉山泉

園居地僻少風塵喬木陰中結比鄰何處清音九皋鶴
主家山第傍湖濱

斜日上簾初退食南柯一枕又黃昏吾廬自愛軒車少
時有騎驢客過門

重題武夷九曲圖二首

風烟無夢到三吳愛看閩山九曲圖課士餘閒親翰墨
故吾應是勝今吾

退老還思此結廬十年舊夢記模糊名山今日馳戎馬

留得王官谷在無

過壽陽相國勤學齋二首

一別已經年相逢欲暮天新軍滿江海舊夢渺雲烟書

共韓碑壯

公書平淮西碑勒石裴晉公祠

詩應聞嶠傳

余倩公題武夷九曲圖

節尋古寺瀟灑擬神仙

報國心猶在歸田願未償病難勝拜跪老豈問耕桑

召謗持籌略延年辟穀方

九重恩禮渥綠野漫徜徉

聞番舶將至策得乾之履

履尾啞人占

履六三爻詞

陳兵當戒嚴于田無祖謁醫國此

鍼砭无咎歸乾惕

動爻乾九三

虧盈箴益謙

錯卦謙

皇朝大無外海國

聖恩霑

檢得去年靜濤書扇詩以哀之

百年塵劫偶逢此斯人竟罹大辟死刑官執法殺毋赦
至尊揮淚情難已憶昔與君共事時望仙山畔同吟詩
苦心改卜營佳兆鞏固

山陵千萬期比年樞密追隨久蘭臭同心意何厚

綸扉遷秩再承

恩

天子倚如左右手秋闈典試暫相違
撒棘相逢開笑口何圖翫法霍家奴
術類穿窬威假狐白簡上聞煩逮問
赭衣載路干刑誅憐君儒雅耽文翰
去年六角曾題扇彈指薰風將又吹
墨痕還溼驚魂散咸陽黃犬嗟何人
華亭鶴唳不再聞痛君胡爲至於此
始知此事有前因

吳門韓尺五茂才

來潮

嘉慶戊辰春與余同日遊

庠今年八十矣寄示告存詩四首奉答一律

婁江世閥守清芬采藻英年便不羣
彈指白頭懷舊友比肩鬢序數人文
開尊洛社風流在結綬燕山出處分
泮水重遊他日事桑榆好景共斜曛

送黃莘農少司寇

贊湯

之河東河帥之任

閩嶠乘軺燕雁飛

余與莘農先後視學閩南

廬陵歸去掩荆扉

君任滿省

親回籍旋

南陔已罷吟朱萼北極重瞻傍紫微

服闋來京星

驛三春歌折柳金隄千里駕征駢燈前惜別增惆悵相對無言瑟欲希

四月十四日由京至夏店卽次口占

策馬東門行卅里板橋流水釣魚磯
天邊遠樹知邨到隴畔枯苗歎雨稀
野廟賽神喧鼓樂旅人適館脫驂騑
由來珍重荒年穀盼望甘霖潤

帝畿

四月十五日偕怡邸暨基潤野少司寇詣

平安峪開工恭紀

度地於今經九載

元年九月偕定邸始行相度

規模先定始鳩工

鄭邸偕全小汀尚書暨潤野先定規制

支分昌瑞山形正峪號平安海寓

同黃壤封函成吉禮

例取穴中黃土封存候地官告成入石牀下穴

青烏方術

待論功

堪輿諸人應於興工後先請獎勵

百靈呵護嘉祥至盼戢干戈

歲屢豐

由馬蘭峪至薊州卽次書懷六首

塔子山前憶舊遊黃墟增感幾人休

彼時同事定邸暨裕相國陸中丞今

皆下世

我來信宿元都觀杯酒難消萬古愁

西疇望雨盼年豐
油碧車中日日風
山澗當年舟渡馬
今來淺水步行通

半邨半郭路迢迢
小隱何人此結茅
不是烏衣門巷裏
梁間還有燕營巢

午雞啼罷午風清
旅客驅車又一程
堪歎門前山翠確
崎嶇世路削難平

贏糧浮海達東津
轉運京倉潞水濱
蓄洩還資玉泉遠
千艘遙送挹清淪

北方水利最難興
幾見桑乾沙土澄
若不穿渠惟鑿井
朝朝抱甕力還勝

恭和

御製四月十六日

三壇禮成還宮述悶元韻

虔禱

靈壇

誠感格先期早見雨廉纖

十五日得雨

深宮夜靜爐香燹

蹕路雲遮旭景暹六事桑林

天貺迓幾番麥隴土膏黏行看紫甸甘霖沛擊壤

堯衢進頌僉

送袁午橋同年甲三之漕督任

憶陪佳宴杏林初彈指光陰廿載餘海內壩簾今有幾
天涯鼓角渺愁予典軍皖北馳戎馬轉漕淮南駐使車
相對尊前皆白髮尺書莫漫故人疏

福州林鑑塘太史春浦戊午重宴鹿鳴寄詩四首

索和未暇次韻別成一律奉答

科名已冠玉堂譜

先生爲嘉慶辛酉翰林今科目最前矣

著作猶雄金馬

才

歸田四十年著作等身

伏牖不虛駒隙過杖朝重宴鹿鳴來百

年華閱閩山望

子孫登科第者接踵

五老清尊洛社開月旦曾叨

元晏筆

余在閩時刊所作歸樸龕文稿先生爲之序硯今一別十年求從前討論之樂不可復得矣硯

田荒落滯燕臺

送楊濱石太史

泗孫

典試閩南

閩山我舊遊君今秉衡去江河阻且長烽烟滿前路却
喜經故鄉定省慰朝暮巉巉子陵臺綠綠延津渡舟車
行役勞炎天足雲霧秋風豁吟眸欣賞託毫素名賢鳳
翽歌多士鹿鳴賦此邦重儒修通經訓詞著考亭與夾
漈西山後塵步我

朝有安溪苦心辨謬誤餘風迨今茲羣才歸陶鑄願登
李膺門咸待伯樂顧好搜巖穴材庶幾棟梁遇

五月十五夜得透雨志喜

中田麥已枯甘雨零未渥濃陰風散之望雲空額蹙昨夜聽滂沱四野欣霑足隄回柳葉青池點萍花綠西眺玉泉峯百尺初懸瀑荷笠慶農夫猶堪飽黍菽邇來憂百端此喜堪相告

盆荷

今年夏苦旱池水涸不流池荷半在陸萎黃似深秋觀此盆中植翠蓋亭亭抽紅葩已敷榮清香暑氣收譬彼爲稼者一溉人功修朝朝勤抱甕何異甘霖優

晉江王生

觀光

之母安溪陳孺人遭夫喪撫孤守

節絕粒二十餘年不饑不疾卒年五十八其同

邑陳給諫

慶鏞

奇其事作傳以徵詩觀光余視

學閩南時拔貢也今中鄉科來京應試因書贈之

閩南崇禮教苦節敦閨門余所表彰者八百三十人彙刊其姓氏彤管揚清芬未聞久絕粒而能形氣存卓哉王氏母異事超常倫貞志堅金石長留不壞身事奇理則正大書勒貞珉何必修養術服氣壽如神

憂來

憂來攪我心遇事空沈吟何能馴及舌還望鶚懷音因人詎成事自信亦未深愚忠陳下策無助愧周任

送錢萍石副憲典試湖北

十年樞院久分勞一別淒迷首重搔

時陞副憲初出樞廷忽聽

溫綸頒殿陛許持冰鑑到江皋楚臺共盼歸征馬海濱

歡聞釣巨鰲

時天津擊沈夷船獲勝

試問帷中草檄手如何勝策

此常操

和張詩船大司空紀恩元韻

通德高門推世閱數傳風雅盛文章雲閒作賦稱年少

日下聯裾拱

帝旁自昔樞廬半江左

道光十四五年間樞直同人吳伯新何雨人王菽原萬荔門王

子勤程楞香江飲吉何一山及余共於今水部屬吳鄉

九人皆籍隸江蘇省時公已外簡矣

公與宋雪帆潘星齋兩侍郎及余四人皆蘇省傳家各有青緗在

奎藻昭垂翰墨香

公因建義莊蒙額余亦屢叨

頒賜御書扁額賜御書

德清徐少梅孝廉表姪芝淦有詩見贈次韻答之

乾元山翠望嵯峨我餘不溪頭撥棹過舊夢飄零尋故里

余嘗泛棹至君家謁我姑母與君尊人詠梅兄遊乾元山新知投契喜登科君與四

同文章佳處鋒逾斂風雅親時玷欲磨讀所著聽秋閣詩中多鞭迫身

心大好湖山容一榻他時珥筆到

鑾坡

題潘星齋侍郎退直侍書圖

侍尊公文恭公時作

學書抱俗情點畫競姿媚或弁放爲雄矜心使豪氣百

家各爭妍終爲好名累古賢心筆正意趣毫端寄規矩
協方員莊敬毋安肆我昔從文恭就日宣麻制趨蹌政
事堂殷勤方策記退食傍仇池題扇常叨賜巖巖舊公
書豈屑干祿字玉局今歸真清芬詒後嗣披茲退直圖
捧硯從旁侍裒然一品集斯人堪繼志

七月初八日蒙 賜丁巳閏夏

御筆畫山水小幅恭紀

幾暇理柔翰逸興山林寄圖成邱壑形尺幅增氣勢略
約橫清溪淙淙流石瀨茅堂似邨居古井臨苔砌汲甕
置其旁屈曲長繩曳列坐却無人籬落橫斜蔽高原聳

一亭羣峯繞其外樹木何蕭森烟雲杳無際安能城市中得此清閒地春日

頒璇題匡弼和衷字每懷

諄誨殷時惕冰淵志茲逢秋序新復拜畫幘

賜丁巳閏夏書揮毫閱兩歲今當海氛稍稍慰

憂勤意持此畀近臣退食卧遊記暮齒愧無才不堪任
國事所望靖烽烟凱歌勞旋帥鑑湖儻可歸庶愜林泉
思

送張椒雲方伯

集馨

赴任閩南

甌越山川我舊游仙霞南去路悠悠官衙半踞岡巒勢

使節曾開雲水眸，亂後人情勞撫字。
瘠區生計待持籌，考亭祠宇荒烟裏。
重整儒風到海陬，考亭書院余往時所整理也。今聞遭寇祠宇已毀，待君重整之。

祖潤於園，寓疊盆菊爲山，漱芳姪來玩，有詩三首。

因和之，用其體，不用其韻。

斗室秋花有晚香，高低盆盎列成行。
深宵然燭吟情劇，小阮風流大阮狂。

策馬來傾酒一卮，黃花開徧曉霜時。
傲他桃李春園宴，掃盡繁華勁節支。

不須啟戶望南山，曲折岡巒畫掩關。
安得長房來縮地，

壯遊五岳出人寰

十月二十日

上發下宋臣文彥博富弼傳令讀之慨然有作

炎宋中葉時契丹來索地鄭公入虜廷抗論罷其議尺
土不與人勉從增歲幣前者有潞公守邊張國勢秦州
建牙旗元昊爲却避二公皆純儒共秉忠貞志雖俱遭
謗斥旋復宏經濟安石創新法不以義爲利賢才思引
退薰蕕豈同器外侮猶未狂先自斲元氣元氣在民生
民怨難圖治我

朝播德威琛賫遐荒致豈惟版圖恢良由

恩澤被宇內久承平激變始貪吏粵西起亂民江流爲
鼎沸十載勞干戈尙未歌旋帥海舶復乘隙鼓浪來窺
伺無力縛長鯨姑試投以餌么麼得志驕橫行益無忌
忠勇賴藩王海澄殲其類自慙帷幄臣未嘗出奇計更
乏折衝才因人詎成事惟抱安民心攘外先治內努力
宣

皇仁埒埏覩清泰

山邨閒步

笠屐行吟入畫圖探幽山徑瘦筇扶鳥啼亦似判憂喜
犬吠豈識分賢愚荷擔賣花情自適拾薪炊飯計常迂

萬錢莫學何曾侈乞食門前有餓夫

謝客

老來艱拜跪况復病魔纏退食惟閒坐瞬存愛晝眠心
交通四海尙友契千年何必望顏色兩情始快然

望雪

三壇祈禱

聖心虔微雪初霑送臘前兵氣未銷憂赤縣民生日蹙
顛蒼天千尋鐵鎖猶防海萬斛紅蓮助守邊北地何堪
遭歉歲邇來斗米貴千錢

移居

浮家已是卅年餘
老去何求安宅居
只爲故園無橡栗
欲營隙地種瓜蔬
曉燈西掖雙斑鬢
斜日南窗一卷書
莫歎趨朝今漸遠
光陰彈指及懸車

除夕蒙

賜御書喜字恭紀

龍書頒降

九重天

連年賜御書龍字

志喜新瞻墨彩鮮
海上紅旌傳捷

報江干白雪兆豐年
况逢

壽寓臚嵩祝行屆
元辰敞綺筵
兵氣漸銷民氣樂

一人垂拱作恭先

松風閣詩鈔

長洲 彭蘊章詠莪

卷之二十四

苑湖集

古今體詩三十三首

庚申

恭和

御製御太和殿賜宴詩以紀事元韻

寶籙躬膺紀十春

幾康永敕福頻臻欣逢

壽寓臣民樂肇舉

隆儀鼓舞陳感格

蒼穹惟

至德

撫綏赤子詠來旬始知

布惠寰瀛浹華祝嵩呼頌

帝仁

元旦蒙

恩賞戴花翎恭紀一首

元辰舞蹈共趨朝

聖壽恩覃及百僚

殊錫欣同大司馬

與穆清軒大司馬同叨恩命

旌功儼插侍中貂飛

來翠羽炎荒遠貢到瓊枝絕塞遙會見堯離重譯至宣

威還仗霍嫖姚

張詩船大司空壽逾七十蒙

恩加太子太保銜奉賀一律

芝綍歡聞下

帝闈褒榮耆宿古風敦冰銜特晉公孤貴

錫爵還因齒德尊三壽作朋年共引

與桂燕山相國許慎生冢宰同日拜

命九如答頌道同論

璇題早覩

奎章煥

公先以家立義莊蒙賜御書扁額

爭羨雲間有義門

聞清江浦被捻匪竄入同年淮海道吳紅生

葆晉

督戰陣亡詩以哭之

老去常吟哭友詩
烽煙滿地我心悲
可憐淮浦陳兵日
已是睢陽乞救時
明哲幾人皆退守
倉皇一旅獨扶危
大風折燾功難就
留得英名竹帛垂

送編修郭筠仙

嵩燾

引疾歸里

瓊島瑤林寄一枝
翩飛仙翮遠塵姿
從戎海澨需才日
歸卧滄江未老時
會見作霖雲出岫
却逢送別雨催詩
班生投筆情逾壯
何必簪毫傍玉墀

君家湘南尚當用兵病痊後難

賦閒居也

附錄和作三首

郭嵩燾

筠仙

春風吹徧鳳凰枝
短鬢蕭疏病鶴姿
日暖園林投効後
雪消江漢放船時
曳裾舊託中朝隱
歸橐新編上相詩
昨夜觚稜猶入夢
夢隨

仙仗繞丹墀

身世非同鳥擇枝
園梅猶惜歲寒姿
無多事業歸閒處
漸老心情異少時
海澨江濤憂國淚
岸花橋燕送歸詩
鄉關又過清明節
叢竹漫天草滿墀

一曲陽關折柳枝
白頭元老古仙姿
上書引疾乖初願
翦燭談兵記往時
夜雨醪醑京國夢
殘春烽火草堂詩
故山歸卧吾生已
屬眼英賢集曉墀

春寒

今歲春逢閏春深氣候寒
羊裘憐袖短獸炭撥灰殘
麥隴抽芽未花畦放蕊難
窗前一樽酒微雪下闌干

春雪

冬盡竟無雪春來五出飛
天心豐歲轉民氣樂郊依
瀛海冰山湧江洲鐵鎖圍
豈惟農望愜烽火息南畿

春陰

雪後濃陰積東風埽不開
花香還醞釀雲影共徘徊
乍喜斜陽炯旋看細雨催
夜來天驟暖破寂一聲雷

春雨

春雪化爲雨無聲潤物同綠稊攀醉客青筋出漁翁齊
唱田家樂安知造化功麥秋還有望中澤慰鰥鴻

喜徐少梅春闈上第

白袍鵠立盼泥金一騎飛來送好音亂後鄉關驚客夢

時浙中
擾亂

中年科第慰親心

新恩許啖紅綾餅古調猶聞綠綺琴莫道絜脩先澤遠

看君重宴曲江濱

君先世西灣先生乾隆間入直
南齋蒙御書絜脩堂扁額

時將立夏忽見遠山積雪有作

朝來寒更甚積雪滿山岑恐有愆陽患終孤望歲心卷
簾飛絮嫋埽徑落花深無限傷春意低徊發苦吟

送淑芳姪

毓棻

歸里省親

三年住京國兩度博微名

淑芳中戊午副車已未舉人

惜別重回首

思親有至情荆榛滿山谷烽火暗江城濟濟青雲簪
花欲振纓

薊州旅次

我行百里雨霏霏昨日西山見落暉春旱麥苗還短短
夏寒柳色故依依板橋流水魚鱗活野店晴光燕子飛
嵐翠迎人塵慮豁石門斜日脫征騑

通州東郊遇大同兵過境不得宿還至州城卽次

作

茅店戎裝百輛車嚴明紀律靜無譁九邊勁旅來山右

萬馬軍聲壯海涯

赴天津防堵

偶見荷戈思絕域方勞籌筆

憶京華衝泥還入城闌宿落日門前噪暮鴉

四月二十九日聞蘇州失守作

聞說蘇臺下兵驕將不威市廛遭烈火

當事誤用奸匪之言先焚閭閻

二門外民居爲守城計也寇至而城仍不守則民居爲徒焚矣

城郭弔斜暉暗淡風雲

慘飄零骨肉稀存亡猶未卜江上有人歸

毓棠姪尙在歸途

虎阜端陽景龍舟競渡忙笙歌今歇絕蜂蝶漫顛狂腸
斷蕪城賦心驚古戰場願人無作孽天必降之祥

壽陽相國令嗣

世長

館選奉賀

任子承

恩與衆殊明光

召對荷

溫俞

令嗣以廢生引見荷蒙召對

家聲三世玉堂譜文戰一揮金僕

姑供奉仙班虛左席扶搖天際快南圖浮沈郎署轅駒
繫今日驂騑達九衢

骸疾不能入值辭退樞廷蒙

恩允推恭紀

十年趨 禁藥才薄

主恩寬踵頂捐難報股肱力已殫養疴容暫息

並賞假調理

解組豈能安羽檄紛馳日中宵起永歎

九月初四日二次

賞假期滿奏請開缺蒙

恩俞允恭紀

屈指彈冠卅二秋忝襄密勿十年周四方多難東南甚
外侮憑陵

宵旰憂久抱沈疴頻引退歡聞

明詔許優游家山烽火連天暗何日江干泛釣舟

訪古莊營袁氏慶餘堂題贈鏡塘太守

繩武

路僻村深別有天松篁逕裏起炊煙人來枌社衣冠古

地似桃源雞犬仙世閥科名懷舊德聯蹤車馬集時賢
時避地居此者甚衆義門高躅堪相繼聚族同居五百年
袁氏自武間遷居此地

贈袁春帆典籍

鴻翥

珥筆聲華滿鳳池當年人誦早朝詩故鄉伏處因多難
客路相逢感舊知誰道山村雞黍薄遍嘗海錯鱸鮓奇
是日招飲抽簪我已辭雙闕薇省無緣訂後期

蘇州失陷慰高挈家二十餘口避至海門賊又將
至思欲北來無路可通愴焉賦此

大將棄營逃江南衆兵潰毘陵及蘇臺瓦解無遺類嗟

哉避難人轉徙亦云憊航海至江北衣食將何賴
邇寇氛僅存通與泰北行阻沂曹豺狼還遍地我亦避
地來尙得栖都會雖遭風鶴驚未與烽煙會汝行嗟無
路跼踖乾坤大致書南方友援手聊相濟所恐付洪喬
無緣達長吏骨月多飄零清夜不成寐

花南硯北草堂聽子孫讀書有感

讀書求聞達所志在匡時似我逢厄運束手竟無施
嗟哉鼎折足智小復何疑早知鵜梁刺何用日孜孜汝曹
當避地猶復勤下帷其志原可尙體用當兼資莫誇詞
章富須探韜略奇此輩束高閣安用清流爲化機剝終

復旋轉仗羣才吾老不及見徒吟采薇詩

保定蓮花池有乾隆丙申

御筆賜直隸總督周元理詩鐫碑於亭周字燮堂爲余

家舊姻瞻仰古碑追維盛世賦此敬誌

乾隆全盛日

燮輅暫停時勝地留

宸翰畱臣荷

賜詩黎川懷故宅

燮堂先生家吳江之黎川紫甸仰穹

亦刊

御詩於堂中

碑司馬傳忠藎英名史冊垂

會孫憲會咸豐四年於臨洛關同知任內殉難

冬至日雪

雪花六出兆年豐剝極陽生一晝中葭管灰飛傳候室
茶鐺火活慰衰翁蛟蛇蟄地波方靜鴻鵠翔雲路未通
幾輩驚魂還不定扁舟飄泊大江東

旅居自課子孫讀書

四壁蕭然書滿篋殘編散亂蠹痕侵僑居館舍生寒色
久宦兒童變土音不覺宵深拈寸管祇因日短惜分陰
還思居易齋中事

余幼時
書齋名

故里烽烟何處尋

自君之出矣

自君之出矣四壁清風吹缶中無斗粟嗷嗷黃口兒
自君之出矣惡客來相侵僮奴各奔散涕淚霑我襟

自君之出矣鄰里尊仇怨身在網羅中恨無雙飛翰
自君之出矣蠅蚋在庭戶村舍無人烟瓦礫空場圃
自君之出矣豺狼滿路衢安得北海鱗貽君錦字書
自君之出矣霜雪零空階念君衣裳薄日夕望君歸

守歲

新年應比舊年彊送臘何勞守歲忙願祝析津成樂土
更聞牛斗掃欃槍

饋歲

辭官不踏軟紅塵饋歲何來寂寞濱爲有同年門下士
還將科第重閒人

謂恆月川錫子受王秋浦古又希
四同年曹心穀張翰泉兩門生

松風閣詩鈔

長洲 彭蘊章詠莪

卷之二十五 硯北集 古今體詩三十七首 辛酉

辛酉人日荅同年袁午橋 甲三 自安徽軍營來書

并寄一律

老病辭官歲月更觚棱北望不勝情三春江海浮番舶
八月風煙暗

帝京避地有人容暫住還鄉無夢待時平滿腔蕭颯天
涯淚人日題詩寄柳營

三月初六日詣灤陽出古北口作

我行謁

帝赴灤陽驚嶺雄關鎮朔方自昔苦寒稱絕塞祇今

避暑有山莊七騶久駐憑鞍慣百職羣趨策馬忙欲慰
雲霓中國望液池瓊島本清涼

至灤陽蒙 召見避暑山莊二次越日還京

引疾辭官今九月觀光出塞及三春馬峻嶺層雲
上魚躍晴沙曲水濱日暖未聞鶯出谷地寒稀見草如
茵瞻 天有路臣心慰此去桃源好問津

出灤陽至京道中口占八首

峻嶺蠶叢往復還人家半在翠微間行來犂确今三日

匹馬嘶風喜入關

陽春三月礪餘冰薄笨車行力不勝盼到酒帘搖曳處

僕夫覓醉喚難膺

荷戟人來旅店稀

道逢勝克齋兵前往朝陽旅店爲征兵所踞

幸留茅屋卸

征驂閒凭土銼看芻秣門外青山銜落暉

山遙路漸有平沙幾樹垂楊茁嫩芽不道崔巍人迹少

牆頭開出碧桃花

密雲小邑舊稱雄避地驅車曲徑通

去秋孫男女有避此者

喜見

時平歸去早朝天策馬獨衰翁

村落人家只兩三

有兩間房三間房地名居人皆少

驚心旅客夢難酣

班荆却喜逢冠蓋

途遇沈朗亭大司農文星崖制府立談而別

握手風塵揮

塵談

孤村板屋看零星豈有長亭更短亭汲井僮來呼飲馬

牛郎山色照人青

秣馬孫河望

帝京蔥蘢佳氣滿

皇城征衣初脫新茶沸卧聽林間好鳥聲

二十五日奉

命署理兵部尙書恭紀一首

樞部重來七載過

甲寅春調補兵部左侍郎

病餘扶杖久婆娑每懷

祖武辭官早

先曾祖曾任兵部尚書歸田時年未七十莫報

君恩負疚多海國漸聞通玉帛中原還未息干戈欲修戎政宣

威德老去徒聞忼慨歌

得慰高祖彝避難泰州來書志感

一紙鄉書剪燭看亂離非復報平安故人半作無家別

旅客同歌行路難鴻雁哀鳴嗟力倦豺狼縱目使心寒

祖彝於宿遷遇盜仍歸淮浦

何能飛度城狐窟航海輕舟下急湍

南人

北來惟航海可通

題友人送窮圖

我聞原憲貧非病昌黎何有送窮文又聞鍾馗喜啖鬼
張揖伏劍終南山此鬼冷落無緣趨捷徑游魂踽踽千
秋存伯有介行爲厲鬼生前豪富死不馴此鬼旣以窮
餓死西山薇蕨夷齊倫其或不食嗟來食黔敖爲粥空
長歎問君送將何處去塵世豈有餐霞煮石之神仙願
守固窮節庶幾君子人

重五後一日潘木君中丞邀入五老會作

乍過靈山晒藥天婆娑鶴髮酒樽前與君壬子生同歲
五老叢中作少年

身世茫茫水上漚幾人歌舞幾人愁愁來絲竹難陶寫

瞥眼韶光七十秋五老者雲間張尚書祥河年七十七商城曹給諫宗瀚年七十六滿洲鄂中丞順安錢塘許尚書乃普年俱七十五上元潘中丞鐸年七十而余與潘中丞同庚惟寶坻李侍郎齒年未

十七

木君本有五老圖今作新圖以紀其事用司馬溫公眞率齋七人五百有餘歲句序齒分韻得有

字

五老作圖始癸丑春秋八度今辛酉龐眉半上北邙山
踵至羣賢皆新友主持雅集仗潘郎我今七十亦稱叟
序齒來游眞率齋摘取山果剪園韭當筵略仿溫公法
屏除絲竹酌清酒七人五百有餘歲分韻吟詩世稀有

自從薄俗尙奢華萬錢一食難可口鸚鵡杯空歌伎斟
珊瑚樹碎豪奴手風煙滿地六軍飢酣歌恆舞心安否
吾儕歡會不忘憂豈惟儉約期可久行看竹杖化青虬
莫問浮雲變蒼狗坐中三子皆年少稱觥起祝先生壽

自題焚香思過圖

時年七十

讀書能致用庶不愧儒冠於世苟有濟無慙享大年憶
我初筮仕宇內方父安今及懸車歲抱火厝積薪智小
難謀大何弗辭高官十年贊樞密南北多煙塵三載論
思任補救無一端未覩干戈息徒聞水旱頻方憂瘡痍
滿宵旰勞

至尊忽聞歐巴西憑陵南海濱背盟據粵地肇衅辱重臣

朝廷示寬大猶欲懷以恩蹉跎遲決策倣擾析木津畿疆失險要風鶴驚

帝閣問是誰之過彼相不扶顛雖云已去位莫追從前愆古來醫國手所貴見幾先未有隔垣技烏能療肺肝況膺心腹寄首重惟薦賢當世多豪傑徵召胡弗傳詔書省刑罰折獄吏未寬錢幣屢更變民呼來日難凡此大綱紀宰臣弼仔肩奈何身當局袖手同旁觀嗟哉鼎折足撫躬實僂焉下負平生學上孤

主恩偏獎香內自訟悠悠籲蒼天

寄懷宗滌樓 稷辰 東河

烏臺一去音塵闊若木義鞭逝不停獻納終傳陽子疏
宣防還注道元經與君壬子生同歲願守庚申保百齡
伏櫪尙存千里志腰間繡澀有青萍

觀舊藏書畫作

字愛衡山畫六如坐消長日賦閒居漫論天下已成事
且讀平生未見書雅集還思追白富 潘木君邀入開驛
日下耆年會
何處問樵漁榴皮仙蹟容龕壁 舊藏東林山榴皮
仙蹟今以徵詠 貝錦

峯前結草廬

貝錦峯東
林山名也

題許仁山詹事彭壽摹李伯時五馬圖

宋家元祐全盛時鳳頭驄自于闐來

第一匹于闐進鳳頭驄

番奴

曳出騏驎院姿與錦膊同權奇

第二匹錦膊

好頭之赤照夜

白

第三名好頭赤第四名照夜白

並入天閑臺足齊最後一匹滿川花

第五匹無名疑即李伯時畫殺之滿川花

伯時神筆涪翁誇五馬之圖等八

駿丹邱牧仲珍籠紗

為柯丹邱宋牧仲所藏後入石渠寶笈

搜羅早入石

渠笈輝煌

宸翰天半霞

乾隆間歌藏於

懋勤殿御題長

什襲琅函藏祕殿供

奉清班始得見宮詹好古手自摹卓立天骨開生面神

物何殊赤水洼壯遊堪赴瑤池宴好事人懷張仲謨自

逢黨禍賴曾紆手持玉軸遺延仲曾紆當黨禍之後轉漕嘉禾以玉軸遺劉

延仲俾喪而存之

流落畫本傳嘉禾蘇題韓馬不可觀世間珍

重公麟圖風煙海內今還擾桓桓猛將資牙爪逶迤旌
旆畫龍蛇聯翩羽檄馳騁裏安得貔貅十萬雄

天弧遠指機槍掃

題潘木君中丞

鐸

洞庭歸帆圖

憶同簪筆值鑾坡退食敲碁逸興多秉鑑歸來森畫戟
萍蹤南北歎蹉跎

汴水湘江歲月侵蜺旌移處感升沈羨君宦海抽帆急
一舸秋風伴鶴琴

洞庭木葉渺余愁欲向長干泛釣舟故里風煙歸不得
燕臺舊侶話前遊

莫道長安未是家結廬且種邵畦瓜聯吟洛社高風溯
相約攜樽共看花

題張詩舫大司空南北山閱兵圖

公任陝撫時作

公持節鉞臨西疆新詩百篇投錦囊文人武備非所長
帝命閱伍兵氣揚仰瞻鶡首弧矢光函關形勢古莫方
北連湟中西控羌桓桓猛士來甘涼蜺旌一麾驚鸛翔
三軍齊著繡襦褶夏服箭勁烏號強營門列隊嘶驍驍
鼓聲一震羣超驤樓頭吹角旗幟張何人危坐肄武堂

本居園言金 卷之二十一
公嚴賞罰軍令彰腰間寶劍星吐芒恩含春澤威秋霜
垂髻黃髮走且僵環而觀者如堵牆南山北山暮色蒼
披圖使我心傍徨方今烽火連蘇杭蜀川皖水通衡湘
紛紛城邑居豺狼滇黔戰壘遙相望陳宋猶聞擊鼓鏜
畿南捷書喜連章岱宗雲霧還茫茫安得勁旅埽八荒
如驅虎貔噬犬羊寰區復覩斯民康公思鱸魚返故鄉
我望柳色歸吳閭

詩齡滇生兩尚書嵐樵給諫雲浦木君雨中丞因

余七十生辰先期招遊天甯寺雅集賦謝

壯不如人老奈何官閒歲月莫蹉跎攜樽列坐清涼界

撫劍還聞忼慨歌，飲露吟蟬低繞樹。翔風靈鵲遠填河。

歸田何日堪償願，江上青山客夢多。

坐中四人皆家在江以南

鮑小山觀察居憂僑寓雄縣書來見贈五律二首

尙未和答復承見懷長律一首次韻奉酬

寔區否泰問天公，世運循環事不同。老去功名塞翁馬，
年來談笑越人弓。鵲啼碧血雲山外，竹化蒼梧涕淚中。
糺纓卿雲扶

舜日曾看六合扇清風

時有日月合璧五星聯珠之瑞

七哀詩十月初一日哭迎

梓宮作

秋風起兮塞草黃雲沈沈兮遮帝鄉關山直北阻且長
遙瞻斗極天茫茫昔有熊氏之騎龍兮攀髯莫及臣心
傷矧蒼梧之不返兮灑血淚於脩篁嗚呼天傾煉石猶
可補此恨千秋誰與語

大瀛海兮環神州祇宜博望乘槎遊巨鱗鼓浪兮海西
頭羣張鬚鬣兮森戈矛敵師力薄兮網罟收豐隆折椎
兮觸不周電光閃爍兮天公愁嗚呼作文祭鱣鱣旋徙
強弓毒矢無庸矣

漢家離宮三十六昆明太液遙相屬翠華巡幸兮艤蘭
舟相如枚皋兮載筆遊鳬鷺鵬鴒兮隨波翔茝蘭杜若

今緣隄芳元莧樂浪兮撫辰極南海珠厓兮已罷擊李
廣不封兮因數奇蘇卿歸來兮猶持節嗚呼柞械斯拔
兮松柏摧建章之火何從來

姬公作洛爲帝京平王東遷周不傾灤陽

前聖所經營疑爲後世開金城不知邊塞非王庭難與
澗瀍相抗衡謠言簧鼓兮憂公卿寒暑不時兮災沴生
嗚呼林中梟鳥聲如歟安得利劍斫其舌

山石嶢嶢兮樹輪囷關關好鳥兮啼陽春脂吾車兮謁
帝閭雷闐闐兮雪紛紛回車曠野多荆榛流泉嗚咽不
忍聞荷戈什百來從軍云有烽燧驚邊屯嗚呼世路茫

茫多坎珂神京何日還車駕

覽九州兮暗烟塵豺狼逐逐兮甘食人黔黎何罪兮呼
蒼天謀不臧兮臣之愆安得賢輔兮方召儔埽除狐兔
兮海之陬嗚呼十年宵旰

皇心苦遠望橋山淚如雨

嚴霜降兮黃葉飛蟬吟寂兮雁南歸朝馳余馬兮山之
麓夕息駕兮水湄悲風動地兮神靈來山林縞素兮臣
民哀重瞳八采兮天日姿望不見兮肝腸摧嗚呼歌當
哭兮望當歸城闕日暮飄靈旗

闕

詔恭紀

古之賢王助開國我

朝定鼎親藩力今茲嗜利謀專權朋比朝堂作蠱賊初
戒典軍勿用兵旋脅

車駕巡京北軍心渙散民流離自謂忠誠無愧色各興
土木謀安居欲以僻壤爲

宸極我昔憂危百病攻三月養疴旋罷職春來謁

帝勸遄歸其如此輩言先入無何弓劍痛橋山把持政
府矯書敕

主幼時艱兆禍機

兩宮血淚皆霑臆幸我

先皇有介弟手持

密詔如霹靂陰霾頓豁天地清遂縛豺狼斬荆棘

垂簾上法宋宣仁篤恭公旦勤日昃吐哺握髮求賢才
環瀛重見昇平日

松風閣詩鈔

長洲 彭蘊章詠我

卷二十六 硯北集 古今體詩九首 壬戌

喜壽陽相國應

召來京入直 弘德殿講筵

避地分攜又一年重逢堪喜復堪憐
公歸尙有王官谷 我老曾無陽羨田
昔獻謀猷趨秘閣 今資啟沃侍經筵
金鰲退食詩篇續 更了平生翰墨緣

祖彝挈家航海而至感而有作

憶自庚申冬別我歸故里改歲及陽春
驅車戒行李道

蓬不逞徒矛戟挺而起探囊無愁遺惘惘歸淮淩今茲
浮海來全家杭一葦風波驚瀕洞晝夜靡所止拙帆過
析津信宿緇塵洗同舟各無恙出險真可喜佳節正天
中蒲觴酌甘醴聊慰衰病翁諸孫識面始遍訊故鄉人
寥寥堪屈指其餘半淪胥傷心感逝水

題畫二首

踏破芒屨尋遠山歸來放筆學荆關
杈枒古木無人徑只有仙禽自往還

風煙滿目使人愁飄泊渾如一繫舟
安得置身圖畫裏王官亭子號休休

送潘伯寅典試山左

涼颶猶未轉溽暑方逼人送君持衡去驛路多苦辛幽
翼盛時癘魑魅夜叩門齊魯起頑梗狐鼠憑社村仰天
彌雲霧市地莽荆榛荒塗踴遊目愁思何漫漫君往秉
文鑑孤懷誰與論銜

命別丹禁掄才感

主恩敢憚馳驅瘁搜羅席上珍嶧山梁父闇大匠求輪
囷取儲棟桴任九拜貢

帝閭去去勿回顧鵠立盼車塵千里共明月不殊几席
親茱萸啟嘉會待君酌滿樽

大疫紀異

天將疫癘代干戈捧腹呻吟一刹那須向鍼砭求速效
難期藥餌療沈痾介行疑有鬼雄至巷哭時聞髮婦過
駭說全家朝暮死獨留稚子涕滂沱

八月望後聞黃壽臣同年

宗漢

將歸閩南送行

曹騰乍醒南柯夢東海閒尋舊釣磯垂老何堪重作別
故鄉却喜送將歸明如秋月還虧缺淡到浮雲無是非
軒蓋紅塵忙不了幾人白髮遂初衣

采菊東籬下

采菊東籬下境曠心亦涼移栽茅簷近不使侵微霜坐

對酌清醕夜來燈燭光永保歲寒節病夫行且康

題馬孝子傳

洞庭東山兩孝子先後挺生出馬氏一啼吳市訴父冤
一泛申江歸權理亂離骨肉幸相逢豪猾奸民伏罪死
精誠耿耿感蒼穹神靈默佑孝行偉吾友葉君調生書
其事盛名他日垂青史